


Aruba a eligi su di 39 Reina Infantil di Carnaval

Sheqayli Ascencion eligi como Reina Infantil

Un publico hopi grandi a aplaudi y sostene e candidatanan



UN total di 10 candidata, cada un di nan, un reina riba nan mes, a competi pa Sali eligi como e di 39 Reina Infantil di carnaval di Aruba. E escenario tabata bunita decora, mientras cu e publico a gosa di no solamente showman espectacular, pero tambe di discursonan excepcional di e candidatanan. Aunke cu edad hoben, nan tur a percura pa un calidad di show sin igual.

Na final a eligi Tammy Vrolijk, representando e distrito di Noord como e "Princess of Setar", premio pa e candidata "Mas Popular" y tambe e premio di "Best Costume". E premio pa "Best Speech" y "Best Show" a bay pa Sheqayli Ascencion representando Oran-

jestad/Companashi.

Huradonan a eligi Jenylain Boekhoudt di T.O.B. na di 4 finalista, sigui pa Xaiday Colmenares di Pierewietje como e di 3 finalista, Jada van Heinigen di Sta Cruz como e di 2 finalista, Tammy Vrolijk di Noord como 1e finalista, mientras cu Reina Infantil 2014 a keda den persona di Sheqayli Ascencion den representacion di e distrito di Oranjestad y su bario di Companashi.

SAC ta felicita e comision organisa di e eleccion di Reina Infantil 2014, no solamente pa e calidad halto di e show, e decoracion di e escenario, pero tambe pa e organisacion cu a cana masha nechi diabierna anochi.